

Terenga 5: Hōtaka 45 – 'Wawe' me te 'Tere'

He Mihi

Kei ngā iwi e whakapiraratia nei i Te Ika-a-Māui me Te Waipounamu, whiti atu ki Rēkohu, tauti mai rā ki tēnei hōtaka e poapoa nei i te iti me te rahi kia tahuri mai tātou ki te penapena i te reo rerehua i heke mai i a Rangi rāua ko Papa.

Hei Mahi Whakarongo

Kia tahuri ki te whakarongo ki taku hoa nō te whenua o te puaheiri, ki a Hana O'Regan me ana whakamahukitanga e pā ana ki tētehi whakataukī ka tīkina atu e ia hei ārahi i ana tamariki.

Anei ngā pātai hei whakautu mā koutou:

- 1) Whaka'Ika-a-Māuihia' ngā kupu e toru o ā Hana kupu nō te tonga.
- 2) He aha ngā tamariki e kore ai e aro?
- 3) Ka hāngai tēnei whakataukī ki ētehi horopaki pakeke?

Anei ngā whakamārama a te wahine purotu o Ngāi Tahu, o Ngāti Māmoe, o Waitaha.


He Whakamārama

Tirohia ngā tauira e whai ake nei kia kitea ai ngā whakamahinga tika o te kupu **'tere'** me te kupu **'wawe'**:

1. He **tere** te tangata rā ki te oma.
2. He hōiho **tere** tōku.
3. I **tere** oti ngā mahi.
4. Me oma tere. ✗ Me **tere** te oma. ✓
5. Kaua e kōrero tere. ✗ Kaua e **tere** te kōrero. ✓
6. Kia **wawe** ai te mutu, me tīmata ināiane.
7. I tae **wawe** atu au ki te hui.
8. I wawe kite au i ngā hua. ✗ I kite **wawe** au i ngā hua. ✓
9. Kaua e wawe tae atu ki te hui. ✗ Kaua e tae **wawe** atu ki te hui. ✓

He Mahi ĩ-papa

Tuhia he rerenga kōrero ki runga i ngā ĩpapa



Hei Mahi

Whakamāoritia ngā rerenga kōrero e whai ake nei:

1. Say it quickly.
2. We got there in good time.
3. My dog runs really fast!
4. Don't go out too soon.
5. You spoke too soon.

Whakautu:

Mahi ĩpapa: Kia wawe ai te oti, me tīmata ināiane. / I tae wawe atu au ki te hui.

1. Kia tere te kōrero! Kōrerotia mai. Kia tere.

2. I tae wawe atu mātou.

3. He tino tere te oma a taku kurī.

4. Kaua e puta wawe ki waho.

5. I wawe rawa te kōrero.